

INUIT ATAQATIGIIT

Inatsisartuni



21. august 2020

UKA 2020/123

Inatsisartut suleriesianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Nunatsinni meeravissartaarniartut angalanermut, ineqarnermut nerisaqarnermullu aningaasartuutit taarsiivigineqarsinnaanerat periarfissarsiunneqarsinnaanera pillugu apeqquteqaat aallaavigalugu oqallisissiaq.

(Inatsisartunut ilaasortaq Mikivsuk Thomassen, Inuit Ataqatigiit)

Meeravissartaartarneq nunatsinni periarfissaavoq pitsaasoq allaffissorneq kiisalu allatigut sullinneqarneq tamakkualu periarfissat pitsaasuupput, kisiannili ernisarfiilli illoqarfimmi anginermiipput taamaattumillu ernisarfeqanngitsuniit meeravissartaarniartut angalaneq, nerisaqarneq, ineqarneq namminneerlutik annertuumik aningaasartuutigisarpaat. Tamanna ilaqtariinnut oqitsuinnaasanngilaq angalaneq ineqarnerlu akisummata. Apeqquteqaat aallaavigalugu oqallinneq manna qaqipapra apererusullunga meeravissartaarniartutnut periarfissat pitsanngorsaataasinnaassut assigiinngitsut oqallisigisinnaajumallugit.

Ilaqtareeqarpoq namminneerlutik meerartaarsinnaanngitsut meeravissartaarniarlutillu aalajangerneq ilaqtariinnut imaannaasanngilaq. Ilaqtariit taama nalaataqartut arlaleriarlutik meerartaarsinnaaneranut misissortereersimasarput aammalu meerartaarniarnermik ilaat misiliisareersimallutik.

Nammineerlunga isumaqarpunga allatuulli pitsaasumik meerartaarniartutut sullinneqartussaasut, taakkuummatami meeqqap inunngoqqaarneranit angajoqqaanngortussat.

Isumaqarpunga meeqqamut pitsaasumik sunniuteqassappat samminsaq manna oqallisigissallugu avaqqunneqarsinnaanngitsoq. Meerartaartutuulli sullinneqarsinnaaneq eqqarsaatigaara, tassami meeqqap inunngornerminiit toqqissisimanermik toqqammivilerneqaraangat meeqqat ineriartorneranut pitsaasumik sunniuteqartaroiq siusittumillu iliuuseqarnerulluni.

Meeqqap inunngorneraniit meeravissartaarneq peqqinnartuuvoq, meeravissartaarniaraannilu illoqarfimmut erniartortoqarnerani ilaasinnaangikkaanni ilaqutariinnut imaannaangitsuusinnaavoq ingammik angalanissamut ineqarnissamullu aporfeqaaraanni.

Taamaattumik apeqqutigerusuppara partiit isumaqarnersut meeravissartaarniartut meeqqat erniunerani peqataatillugit angalanerat ineqarnerallu pisortat akilertassagaat?

Naalakkersuisut apeqquteqaatinnut nr. 354 2019-imeersumut massakkumut angalanermut ineqarnermullu tapiissuteqartarnissanut pilersaaruteqanngitsut.

Naartunermi erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersumi sulinngiffeqarsinnaatitaaneq ullormusiaqarsinnaatitaanerlu taamaallaat aalajangersarneqarput. Partiit isumaqarpat inatsisitigut atugassarititaasut saniatigut pitsanngorsaaviginissaanut pisariaqartoq? Uanga isumaqarama iliuserisinnaasat arlaqartut. Tassa meeravissartaartut siunnersorneqartarnerat aammalu tapersorneqarnerat eqqarsaatigalugu annersumik iliuseqarsinnaasugut. Meerartaanermi nalornissutit arlaarsinnaapput, taamaammallu siunnesorneqarnisaq pisariaqartuatarluni, tamanan meerartaartunut tamanut atuuppoq.

Isumaqarpunga meeraq pitsaasumik toqqammavilerneqassappat meeravissartaartussat aningaasatigut annertuumik annaasaqarujussuanngikkaluarlutik meeravissartaariartorsinnaasariaqartut, meeqqallu inuunngornermini pitsaasumik inuunermini aallartiffeqarnissaa qitiusariaqartoq.

Taamaatut apeqquteqaat aallaavigalugu saqqummiussillunga oqallilluarnissassinnik kissaappassi.